



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Khamis, 6 Oktober 2022	
1	Masalah telur selesai
2	-Pengguna terbeban, ayam kembali dijual pada harga siling -Pihak berkuasa diminta siasat punca kenaikan

DISEDIAKAN OLEH :
**SEKSYEN KOMUNIKASI KORPORAT,
JABATAN PERKHIDMATAN VETERINAR MALAYSIA**

TARIKH	MEDIA	RUANGAN	MUKA SURAT
6.10.2022	SINAR HARIAN	NEGERI	27

Masalah telur selesai

PASIR PUTEH - Isu kekurangan bekalan telur dijangka selesai dalam tempoh dua atau tiga hari lagi selepas masalah logistik dapat ditangani sepenuhnya.

Timbalan Menteri Pertanian dan Industri Makanan II (MAFI), Datuk Dr Nik Zawawi Salleh berkata, negeri terlibat dijangka menerima bahan mentah tersebut dalam tempoh terdekat.

Menurutnya, MAFI telah melakukan perbincangan beberapa hari lalu dan masalah itu sudah diatasi.

“Tiada masalah pencatutan kerana telur banyak di Kuala Lumpur dan Selangor, cuma logistik,” katanya.

Beliau berkata demikian kepada pemberita selepas Program *Walkabout* Timbalan Menteri Pertanian dan Industri Makanan II ke Projek Tanaman Sayur-Sayuran Kampung Batu Berendam dan Projek Tembikai Kampung Haji Wan Omar, Pasir Puteh pada Rabu.

Hadir sama, Pengarah Jabatan Pertanian negeri Kelantan dan Ahli Dewan Undangan Negeri (ADUN) Semerak, Wan Hassan Wan Ibrahim.

Menurut Nik Zawawi, bekalan telur akan tiba di Kelantan, Terengganu dan Kedah serta beberapa negeri yang mengalami masalah ketiadaan bahan mentah tersebut.

Pengguna terbeban, ayam kembali dijual pada harga siling

Peniaga dakwa pembekal jual pada harga tinggi

Oleh Mohamed Farid Noh, Hidayatidayu Razali dan Azhar Shahrudin/bhnews@bhn.com.my

Kuala Lumpur: Setelah beberapa bulan harga ayam stabil susulan bekalan mencukupi, pengguna kini dikatakan kembali terbeban apabila penjual mengukut menjual pada harga siling iaitu RM9.40 sekilogram.

Langkah itu dikatakan bagi mengelak peniaga menanggung kerugian kerana bekalan dilaporkan berkurangan sejak beberapa minggu.

Tinjauan BH di pasar Chow Kit di sini semalam mendapati, sebahagian besar peniaga menjual ayam RM9.40 setiap kilogram, iaitu harga siling yang ditetapkan Kementerian Perdagangan Dalam Negeri dan Hal Ehwal Pengguna (KPDNHEP).

Sebelum ini, ada peniaga menjual lebih murah daripada harga siling kerana bekalan mencukupi. Peniaga ayam, Hussein Abdullah, 45, mengukut menjual pada harga siling RM9.40 sekilogram kerana pembekal turut menaikkan harga.

"Dalam tempoh sebulan ini, harga ayam semakin mahal, manakala saiz ayam yang dibekalkan lebih kecil.

"Masalah ini berlaku di seluruh negara sebab kami ada membanting harga dengan pembekal lain tetapi harga yang ditawarkan tidak mempunyai perbezaan antara."

"Hari-hari pembeli mengadu mengenai harga ayam tetapi kami tak dapat berbuat apa-apa kerana peniaga tiada kuasa mengawal harga, kami cuma jual ayam," katanya ketika ditemui di sini, semalam.

Penjual yang hanya mahu dikenali sebagai Eddy, 38, berharap kerajaan menarik semula sekatan mengekspor ayam.

"Apabila pembekal tidak boleh bekalkan ayam ke luar negara, peniaga terpaksa membeli bekalan dengan harga lebih mahal."

"Antara jam 3 pagi tadi (semalam) hingga tengah hari ini, saya hanya dapat menjual 30 ekor ayam sedangkan biasanya saya mampu menjual 50 sehingga 60 ekor ayam sehari."

"Pembeli lebih sanggup tidak membeli ayam daripada berbelanja lebih," katanya.

Had beli ayam

Sementara itu, kerani, Razi Ariz, 58, berkata keluarganya kini menghadapi pengambilan ayam kepada tiga kali sebulan.

"Ahli keluarga saya ramai, kami cuba hadkan perbelanjaan bulanan. Saya berpesan kepada isteri jika ke pasar hanya beli apa yang perlu."

"Kami lebih banyak membeli ikan di pasar. Walaupun harga barangan naik, pengguna perlu bijak dan jika saya rasa harga ayam mahal, saya beli ikan," katanya.



Peniaga didapati menjual ayam pada harga RM9.40 sekilogram dalam tinjauan di Pasar Chow Kit, semalam.

(Foto Hazreen Mohamad/BH)

Di Kota Bharu, harga ayam di Kelantan meningkat antara 40 sen sehingga 50 sen sekilogram.

Peniaga, Hisyam Saari, 38, berkata sebelum ini harga borong ayam adalah RM7.30 sekilogram sebelum melonjak kepada RM7.70 sekilogram, manakala harga runcit naik daripada RM7.90 kepada RM8.30 sekilogram.

Katanya, kekurangan bekalan dikesan sejak seminggu lalu berikutan ladang di Kedah tidak dapat menghantar bekalan.

"Sebelum ini saya dapat bekalan 500 ekor sehari dan diproses di kilang untuk diambil oleh pemborong serta dijual secara runcit."

"Sejak seminggu lalu, saya hanya mendapat bekalan antara 60 hingga 80 ekor ayam sehari yang dibeli daripada pemborong di Pengkalen Chepa," katanya yang berniaga di Kampung Cherang di sini, semalam.



Wan Mustaqim Mohd Zulkifli menjual ayam siap bersih tanpa perut dengan harga RM10.30 sekilogram di Pasar Chabang Tiga Pengkalen Chepa, semalam.

(Foto Nik Abdillah Nik Omar/BH)

Suri rumah, Nor Hayati Ismail, 45, berkata kenaikan harga ayam sejak seminggu lalu turut memberi kesan kepada perbelanjaan harian.

"Kesejukan ini perlu dipantau supaya pengguna tidak terbeban," katanya.

Pihak berkuasa diminta siasat punca kenaikan

Johor Bahru: Harga ayam segar di bandar raya ini dikesan naik 60 sen kepada RM10 sekilogram (kg) bermula semalam, susulan bekalan yang didakwa berkurangan sejak seminggu lalu.

Peniaga ayam segar di Pandan, Edyham Ali, berkata harga terpaksa dinaikkan dan tidak mematuhi harga siling RM9.40 berikutan pembekal meletakkan harga tinggi.

Harga daripada pembekal pun sudah RM8.70 (sekilogram), macam mana peniaga nak jual ikut harga siling RM9.40.

"Pembekal mendakwa bekalan ayam mentah tidak banyak menyebabkan harganya melonjak."

"Kekurangan ayam segar yang

berlaku tiba-tiba ini membuatkan peniaga tersepit. Kami terima ayam pada harga mahal dan jika kami jual pada harga siling RM9.40 sudah pasti akan rugi besar dan tidak balik modal," katanya di sini, semalam.

Curiga bekalan berkurangan

Peniaga, Azman Mohamed, 40-an, berkata kekurangan bekalan ayam segar secara tiba-tiba amat mencurigakan.

"Dalam hal ini, yang menjadi mangsa adalah peniaga dan pengguna."

"Kami ada mendengar khabar angin kononnya peladang dan pembekal tidak mengeluarkan ayam kerana membuat persediaan mengimport ayam ke Singa-

pura kerana harga ayam segar di republik itu lebih mahal daripada harga tempatan.

"Kami harap pihak berkuasa menyiasat perkara ini kerana ia menganiaya peniaga dan sudah tentu pengguna yang menjadi mangsa," katanya.

Sebelum ini, kerajaan bersetuju menetapkan harga siling ayam standard di pasaran diteruskan pada harga RM9.40 sekilogram.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, dilaporkan berkata, persetujuan dicapai Kabinet yang turut menyaksikan harga ayam tidak akan diapungkan di pasaran susulan kegusaran ditimbulkan segelintir pihak.



Peniaga terpaksa menjual ayam pada harga siling berikutan bekalan berkurangan ketika tinjauan di Johor Bahru, semalam.

(Foto Izz Laili Hussein/BH)